

清·方略館 編

清代 方略 全書

北京圖書館出版社



欽定平苗紀畧卷三十一

大興梁鳳寨



八月初五日

丁丑

和琳奏言竊查平隴賊匪巢穴

地方險峻毗連三岔坪勞神寨一帶有名火寨
夥黨衆多負嵎日久前於克復乾州之次其捧
風坳一路曾派巴圖魯侍衛將備等帶兵堵截

惟三岔坪逆苗本與平隴勢均力敵所有苗寨
不下三百餘戶上年卽聲言欲出投降而其實

幫助平隴肆出抗拒極爲可惡茲臣再三商酌
如欲勦洗平隴必須先除三岔坪黨與隨於十
五六等日分派官兵向三岔坪緊要隘口層層
攻勦而進該逆苗因官兵迫近寨落自知力不
能支隨有百戶吳麻五等帶領各寨頭人匍匐
馬前叩頭哀懇臣嚴諭該苗以如果真心歸順
自應及早投降乃當大兵緊逼寨落情急而來

斷難寬恕倘必欲倖免一死現在官兵攻勦平隴如能前驅殺賊方准立功自贖該百戶等均各感激應允臣於十八日晚間督同額勒登保德楞泰阿哈保西津泰達音泰等帶領官兵由三岔坪一路潛進並令該百戶吳廷試吳廷棟吳老計吳定義等帶領苗兵在前進發適平隴賊苗聞知三岔坪苗衆業已投降糾聚苗匪乘

夜依山順溝前來欲燒三岔坪寨落不虞官兵
正從三岔坪進勦在前降苗一與逆苗猝遇喊
聲齊發賊苗自恃人衆捨命相持攪殺一處勢
甚兇悍臣遂與額勒登保德楞泰等督飭官兵
四面圍攏鎗砲並發賊苗正與降苗抵敵之際
驟經官兵堵殺無不惶駭失措四散奔逃我兵
分投追趕斃賊不可勝計生擒活賊六名內吳

老二一名係吳八月胞侄並割獲首級四顆臣
查三岔坪苗衆既能如此奮勇殺賊是其真心
降順尚屬可嘉當將出力各苗重加獎賞准其
降順現在平隴賊匪聚集既多且首逆石柳鄧
亦在彼竄匿與吳廷義等狼狽爲奸正應乘此
兵威勝勢直搗賊巢一鼓集事復於二十日督
同額勒登保德楞泰等分率官兵及原派該處

堵截之侍衛將備於三更時直撲捧風坳山前
賊卡我兵一到賊苗卽於卡內排列放鎗抵死
守禦我兵扳援仰攻不遺餘力將及黎明我兵
奮勇向前撲開賊卡斃賊無數隨將捧風坳山
前賊卡全行奪據拏獲賊目吳老散一名活賊
九名一併凌遲梟示臣現存一面駕馭各降苗
務將平隴首夥苗匪四路堵截毋許一名漏網

一面整頓兵力務將捧風坳强虎哨等處設法
攻勦迅搗賊巢卽趕緊移兵楚北

同日和琳又奏言查古州鎮總兵馬詔蛟於上
年冬間因患病呈請解任當經奏請以鎮筵鎮
總兵袁敏調補因袁敏駐扎瀘溪未能卽行到
任仍令馬詔蛟暫緩回籍照常辦事今瀘溪一
路業已疏通可無須袁敏在彼防守現已檄令

先回古州接印任事以便馬詔蛟交代回籍至
鎮筵鎮總兵富志那前因湖北教匪滋事經
等派令前赴枝宜帶兵打仗頗爲出力嗣後惠
齡一路有成德關騰先後到彼帶兵已不乏人
現在苗疆當籌辦善後之時如前次具奏章程
內移營併汛等事在在均關緊要富志那係鎮
筵本任總兵正應將一切應辦事宜認真料理

相應請

旨令富志那卽回鎮算本任又雲南一省官兵檄調

較多

臣

亦趕緊將滇省提標普洱臨元景蒙各

標營兵抽撤歸併一俟攻克平隴卽令提督珠

隆阿先行帶回滇省至袁敏張廷彥二員所帶

之兵俱分駐隆閣花園未能一時驟撤亦俟承

緩道路疏通卽將該兩鎮官兵酌量撤出交該

鎮等帶回防範庶於地方營伍均爲有神

同日勒保奏言

臣

於本月十二日自正大營起

程沿途查催各臺糧運於十六日馳抵大營正

值官兵疏通河溪道路軍事極爲順利當與和

琳會晤將所奏善後章程各條逐加講究以期

民苗兩便永杜釁端總俟大局稍定和琳可以

交代起程

臣

卽接手承辦再查貴西道張繼辛

於上年二月苗匪滋事之時卽來銅仁辦理軍
務一年有餘糧運軍火源源運供並無絲毫貽
誤合無仰懇

皇上格外恩施賞給按察使職銜又安順府知府程
國璽鎮遠府知府程煜或派防守後路稽查卡
隘急公出力或委催餉糧餉軍火不辭勞瘁現
當安插降苗經籌善後正需幹員料理懇將程

國聖程煜二員賞戴花翎又臣從甘肅起程時

隨帶千總張績馬崇德楊廷玉把總李德四名

派令稽查卡隘催儻沿途軍火極爲認真出力

張績前在臺灣曾荷

聖慈賞戴藍翎今出有雲南撫標右營守備員缺請

以張績陞補並賞換花翎其馬崇德楊廷玉李

德三員可否賞戴藍翎以示鼓勵均奏入

上諭軍機大臣曰三岔坪爲平隴門戶有名大寨經
和琳分派官兵面前攻剿該處苗衆懇請投誠和
琳諭令前驅殺賊方准立功自贖適平隴苗匪糾
衆前來欲燒三岔坪苗寨官兵乘勢迎擊在前降
苗無不奮力殺賊並經官兵將吳八月之姪吳老
二孥獲正法分投追剿餘賊無算所辦甚好三岔
坪苗衆旣能如此奮勇殺賊自贖所有投出之白

戶吳廷試等著傳旨賞給八九品頂戴爲首頭人
另加賞略大職銜著和琳酌量辦理現在已得三
岔坪是平隴門戶已破和琳所奏進搗賊巢後趕
赴楚北一節此則可緩前據和琳奏該處降苗不
下二十餘萬設法安撫殊爲不易雖已清查叛產
並將舊日衆民侵占地土盡數分給是否足敷養
贍並應如何設法安頓分散降苗之處須和琳在

彼熟籌妥酌慎重辦理方可永靖苗疆再前經降
旨令和琳拏獲石柳鄧卽于該處凌遲示衆但石
柳鄧係糾衆起事之首惡最為可惡若此旨到時
石柳鄧已經拏獲正法則已如尙未辦理仍著派
員小心管押解京盡法處治以彰國憲而洩衆忿
其餘拏獲賊目夥黨及吳廷義等均可在軍前正
法示衆又據勒保奏馳赴軍營會商善後一摺昨

因滇省威遠廳所屬黑獐糾搶拒捕之事該鎮道等辦理不善已令勒保同珠隆阿酌帶撤兵速回雲南相機督辦如已遵照回滇固屬甚善若尚未起身著勒保卽速同珠隆阿馳回滇省相機妥辦並遵前旨將湖南軍營前調滇兵酌量撤帶二千名以資彈壓又據和琳奏苗疆移營併汛等事均關緊要富志那係鎮守本任總兵請飭令回任